

Aningaasanoorutit ilaat pillugit Kalaallit Nunaannut inatsisip allannguutaasa Namminersorlutik Oqartussanit isumaqataaffigineqarnissaannik Inatsisartut aalajangiiffigisassaattut siunnersuut

(Aningaasaqarnermut Aatsitassanullu Naalakkersuisoq)

Akissuteqaat

(Aningaasaqarnermut Aatsitassanullu Naalakkersuisoq)

Aappassaaneerneqarnera

Aningaasaqarnermut Akileraartarnermullu Ataatsimiititaliaq, aalajangiiffigisassatut siunnersuutip suliarineqarneranut atatillugu peqqissaartumik sulisimanera pillugu Naalakkersuisut sinnerlugit qutsavigaara.

Danskit inatsisissatut siunnersuutaata ilaata tamakkerlugu nutserneqarsimannginneranik isorinninneq Naalakkersuisut eqqaamajumaarpaat. Kiisalu tusarniaanermi periuserineqartup kommuninut isumaqatigiissutaasumik malinnissimannginnera Naalakkersuisut ajuusaarutigaa.

Allannguutissatut siunnersuut Aningaasaqarnermut Akileraartarnermullu Ataatsimiititaliap saqqummiussaa Naalakkersuisut isumaqatigaat.

Ataatsimiititaliap isumaqatigiissup siunnersuummut tunngatillugu allannguutissatut siunnersuuteqarnermigut tapersersuina Naalakkersuisut nuannaarutigalugu maluginiarpaat.

Taamatut oqaaseqarlunga siunnersuutip saqqummiunneqartup aalajangiutivinneqarnissaa Naalakkersuisut sinnerlugit inassutigaa.